

嶺南雜事

詩鈔

捧檄南來卅五秋風落萬目具先憂頻
及手搔吟髯對倚遍闌干望海樓
老去風情白樂天琵琶清淚感年年
弄柯不屬終何補空賦秦中樂府篇
嗟君袖籠舞屢婆三百風詩寄與多
莫作閒情消遣病一腔熱血萬層波
生花筆統嶺頭雲五色斑斕斲十分
題罷新詩還一笑輸他錦字織迴文

丙子仲冬碧懷丙史題



序

夫史氏輜軒之採非泛列乎國風太傅秦中之吟乃留心
於民事是以吳都之一草一木備極撙羅巴歛之楊枝竹
枝有應風雅矧吾粵都邑殷盛戶口駢闐方言則揚子所
不盡詳風士則孝侯所難備紀此子厚太守於以有嶺南
雜事之詠也於時海暗三山花明五嶺問仙蹤於穗石繁
華趙尉之城證佛果於苛林寂寞虞翻之宅或則事繫秦
漢而還或則奇搜山海以外或地夙稱爲名勝無限樓臺
或說有近於荒唐尙留祠廟正不獨靈洲望氣疑海上之

名山羅浮探幽訪仙人之舊館已也其山川勝蹟有如此者又况花埭春遊珠江秋禊消夏則灣尋荔子衝寒而嶺折梅花風土旣殊節物亦異今茲文獻之區古號蠻獠之俗短襪縛錦高髻簪花持雞卜以乞靈唱搖歌而互答往往叢祠賽會士女傾城而縱觀巫覡迎神金錢糜費而不惜其歲時俗例有如此者抑地居瘴癘人本馴良俗唯信夫鬼神民且遵夫禮義迺近百年來窮泰極侈浸至於害理傷俗又有故焉酒食遊戲旣多徵逐之場喪祭冠婚遂成踰參之漸加以人矜紫服戶好危冠學京府之呼盧效

中山之跼蹐粉花墮產蒲籜傾家妄爭得失於雞蟲用起
紛紜於雀鼠則人事之沿革有如此者若夫土有所宜物
有所產旁挺側生之倫末麗素馨之族紅棉百尺綠榕十
畝篇家賦詠多得表見而或鳥名都護粲符采之斑斕香
熱女兒散檀林之馥郁豆相思以誰贈花夜合而增妍其
間神草靈木偉獸珍禽更難覩縷他若穀蜚變幻秦醫所
謂近女之傷芳草芙蓉枚乘所謂腐腸之藥則物類之美
惡又有如此者凡茲瑣屑并入謳吟由是讀大均新語之
篇則嫌其不韻攷楊孚異物之贊則恨未能詳太守乃弄

墨忘疲拈毫獨笑原隰行春之暇博採風謠都亭聽訟之
餘間編日記用能以弦歌爲理縣之譜以篇什代活民之
書否則蠻花犵鳥騷人詠而多遺菁雨茅煙詞客聞而未
紀如僕之生於斯長於斯者亦多懵焉非太守栽花手敏
刻楮心精其能若是之洪纖畢舉美刺分明也乎妙詣六
義君誠具有陽秋難贊一辭我竊願居游夏光緒二年歲
次癸卯困敦重午之月番禺石炳樞拜序

嶺南民風俗尙各郡不同生長於此者或未盡知作者宦
游是邦獨能采擷詳盡是卽留心民事之一端不獨以詩
重也然卽以詩論苞涵燾刺囊括洪纖亦如讀風俗通歲
時記矣讀畢輒書數言以識傾倒山陰汪琬題辭

熟於土俗發爲歌詠靡麗纏綿愜心貴當硯秋張觀美僭
評

茹古涵今長於諷諭如讀香山樂府諸篇知雅人吐屬與
流連景物者固自不同愚弟彭翰孫拜讀

採嶺南歲時風俗播爲詠歌自具美刺巧不傷纖婉而多

諷是能得風詩之旨者眞州方鼎銑拜讀

溫厚和平詩教也先生之詩得風人之旨矣洙浪跡廿年
早荒吟詠先生不耻下問敢不畧抒所知恐糞汚佛頭不
足當一粲耳菊人杜承洙拜讀

子厚仁兄所詠雜事詩凡粵中風俗事蹟無不備紀其事
之悖於禮者悉以名句微詞用作棒喝蓋不徒尙文藻也
浣誦一過輒贅數語于上乙亥十月旣望弟俞洵慶拜讀
子厚先生服官東粵所至之處凡風土人情以及一草一
木無不廣覽周咨宜其備於諸事循聲遑躒也爲政之餘

成雜事詩八卷不事雕鏤言簡意該後之仕粵者採風問俗其必以此書爲津逮乎光緒二年五月二十一日嫺愚姪孫鑄拜讀

粵東輿圖遼曠山川之勝事蹟之奇物土之宜風俗之異往往苦難周知作者宦游吾粵垂三十年足跡所經留心采訪爰就平日聞見各紀以詩各綴以註分門區類彙爲嶺南雜事詩鈔若干卷俾閱者披讀瞭然無殊親歷洵足以資多識其詩間作諷刺語要無失風人溫厚之旨可以覘其性情之正連平江有燦拜識

子厚二兄出所著嶺南襍事詩八卷屬爲攷証卒讀一過
傾倒十分其用意之細微措詞之熨貼不愧名手具見匠
心弟自侍先大人宦游東粵及從軍筮仕往來其地垂五
十年深愧見聞多有不逮益以徵作者關心風俗切念民
瘼雖古之良二千石何以過之至十萬大山三不要地諸
作視弟牧欽三年尤爲洞悉神游勝於身歷非讀破萬卷
者其孰能之一事一詩並註以詳其顛末可補遺書新語
名勝圖說等帙之所未備也他日星輶問俗露冕采風必
將視此爲鴻秘當與梅村詩史擅美並驅矣光緒二年八

月古虞張權拜手

浣讀嶺南雜事大箸殫見洽聞銜華佩實詞則婉而多諷
事則信而有徵洵赤雅之瑰觀兼竹枝之遺響不特足資
掌故抑且堪備采風服服光緒丁丑上元日萍鄉文星瑞
拜題

題詞

番禺陳璞古樵

爲政風流事若何山川土俗入摻羅雅才舊數方孚若百
詠編成卻未多

桂海虞衡傳范氏炎方草木紀嵇含如何乍過驂鸞者勝
嶺南人說嶺南

逸事遺聞手自箋香山諷諭豈徒然笑他異物矜南裔嶺
外祇成代答篇

竹馬兒童喜不勝瓊潮宦蹟更峻嶒爲君試采輿人頌應
比君詩十倍增

南海 李長榮 子虎

幾枝大筆揚方屈

李元異物贊方字若南海百詠屈翁山廣東新語

前輩羣推數

典才豈獨先賢矜著撰又徵新話越王臺

王李鈕檀陳有作

王阮亭尚書皇華紀聞李雨村學使粵東筆記鈕玉樵大令粵隴檀默齋大令

楚庭碑珠陳徽言

樸菴還欲志其餘

鄧樸菴嶺南叢述

從今福地

瑯環裏添得先生一部書

嶺南雜事詩鈔目錄卷一

錢塘陳坤子厚著

五仙觀 光孝寺 西來初地 九曜石 六脉渠

花塔 光塔 拱北樓 銅刻漏 雞翼城

越王臺 鎮海樓 長春仙館 觀音閣 金華廟

孖土地 張王爺 急脚先鋒 安樂廬 海珠石

浮邱石 花田 海山館 真武廟 百花冢

貪泉 沈香浦 賭婦潭 歸猿洞 曹溪

梅嶺 梅花村 青龍廟 雙忠廟 藁想公祠

意溪 程江 鐵漢樓 洗夫人廟 綠珠井

龍母廟 阿姑井 還珠亭 十賢堂 雷神廟

颶母祠 伏波祠